

月燈三昧經

第

一

鞠一
百五十五

48326



皇圖聖固
 帝階級昌
 佛日增輝
 法輪常轉
 元祿七年三月三日
 山城州天安寺法金剛院置



月燈三昧經卷第一

鞠

高齊天竺三藏法師那連提耶舍譯

如是我聞一時婆伽婆住王舍城耆闍崛山

與大比丘眾百千人俱菩薩八十那由他皆

一生補處阿逸多菩薩摩訶薩而為上首四

天王釋天王娑婆世界主大梵天王及餘增

上福德諸天增上威勢阿修羅王龍王夜叉

乾闥婆緊陀羅摩睺羅伽人非人等前後圍

遶瞻仰如來時此眾中有菩薩名月光童子



Vertical text or seal impression on the right margin, possibly a library or collection stamp.

已於過去供養諸佛植衆善根自識宿命信
樂大乘安任大乘大悲相應從座而起偏袒
右肩右膝著地而白佛言世尊我今於佛欲
有所問惟願聽許除斷我疑佛言童子隨汝
所樂於彼彼問當爲汝說令得歡喜我一切
智一切知見於一切法有力無畏而得自在
與無障礙解脫知見相應童子如來無所不
知無所不見無所不證無不選擇覺知無量
無邊世界童子諸佛世尊於彼彼問悉能隨
答皆令心喜尔時童子以偈問言
諸佛行於何等行 能爲世親作光明
能得不可思議智 惟願救護解說之

何行得斯說法上
不可稱量最上智
我以深信故諮問
餘更無能證知我
我有廣大勝樂心
我心不爲語言故
何法能將諸佛來
於一切法到彼者
願說長養我行法
深心持戒不毀犯
云何於戒而不棄
云何安住阿蘭若

人中天主天敬奉
惟願爲我善分別
真實無有諂曲心
惟是人尊所照見
釋種師子知我行
惟願爲我說助道
而得增長無邊智
惟願爲我善宣說
令得修成明利智
遠離一切諸怖畏
云何於慧而不滅
云何而得增智慧

云何能入勝妙法

樂護禁戒無悔恨

云何於戒而不缺

云何能知有為性

云何得斯三業淨

無染穢心趣佛道

云何能得身業淨

云何能除口意惡

云何得離雜染心

惟願世尊隨問說

尔時佛告佛月光童子菩薩摩訶薩若與一法

相應速得阿耨多羅三藐三菩提如是諸法

悉皆剋獲云何一法若菩薩摩訶薩於衆生

所起平等心救護心無礙心無毒心是為一

法相應速成阿耨多羅三藐三菩提能獲如

是功德之利尔時世尊而說偈言

若有受持是一法

能順菩薩正修行

因此一法功德故
於一切處心無礙
初不起於憎愛想
若能如是修等心
如是法行俱平等
修於平等離瞋心
以是因緣足下平
彼能獨顯於十方
既得登於寂滅地

速得成於無上道
勇猛菩薩所能行
如是則獲妙功德
則得證於平等果
則得足下安平相
能除一切煩惱覆
故獲足下蓮華色
福德光明遍佛土
調伏無量諸衆生
童子菩薩摩訶薩於一切衆生起平等心救
護心無礙心無毒心爲世間眼證得三昧名
爲諸法體性平等無戲論三昧從彼三昧成

就十法何者爲十一身戒二口戒三意戒四
業清淨五度諸因緣六悟解諸陰七得界平
等八除諸入相九斷滅諸愛十證於無生復
有十法一入諸法性二顯示諸因三不壞於
果四現見諸法五修習於道六與佛俱生七
智慧明利八入諸衆生樂欲之智九得於法
智十入無礙辯智復有十法一善知文字智
二已度諸事三得音聲智四於界平等五得
界平等心生踊悅六得於喜分七得不曲心
八威儀調伏九得質直心十色無瞋變復有
十法一面常怡悅二言詞和雅三恒先慰問
四常不懈怠五恭敬尊長六供養尊長七坐

處知足八修善無厭九邪命清淨十安住阿
蘭若復有十法一地地安住智二正念不忘
三得陰方便智四界方便智五入方便智六
證諸神通七滅諸煩惱八斷除習氣九心常
勇猛十住不淨觀復有十法一知犯方便二
滅諸有流勸一卷三斷諸結使四已度諸有五善識
宿命六於業果無疑七於法思惟八求於多
聞九得於利智十得調伏地復有十法一不
恃持戒二不妄想分別三無有輕躁四住不
退相五出生善法六厭離惡法七不行煩惱
八不捨於學九分別諸禪十得一切衆生樂
欲之智復有十法一善分別生處二得於盡

智三善知語言智四棄捨俗緣五厭離三界
六不起下心七不著諸法八攝受正法九守
護正法十知律方便復有十法一滅諸諍二
不相違三不鬪訟四忍平等五得忍地六自
攝於忍七善擇諸法八心樂具戒九決定方
便善於問答十善分別句義智復有十法一
於法出生方便智二善知義非義出生智三
前際智四後際智五現在智六三世平等智
七善解三輪智八心安住九身安住十善護
威儀復有十法一不壞威儀二分別威儀三
威儀端雅四善解說義五得世智六好施不
慳七恒舒施手八常施不絕九無物不施十

有慚復有十法一有愧二棄捨惡心三不捨
頭陀四於信無爽五常行喜行六捨所坐處
施諸尊長七捨於憍慢八善攝於心九善知
心相應十善知心起復有十法一善知義智
二善知法智三遠離無知四善入微細心五
識心自性六善知法去來方便七善知一切
語言智八善得詞無礙差別九得義決定方
便智十棄捨非義復有十法一親近善人二
與之同事三聽受其教四遠離惡人五修禪
起通六不著禪味七遊戲神通八得於世智
九遠離施設假名十不猷有為復有十法一
得利不欣二逢衰不感三稱而不悅四譏而

不憂五譽之不增六毀之不減七不苦八不
樂九不親在家十不在僧衆復有十法一捨
不恭敬二行於恭敬三禮儀具足四捨無禮
儀五不汙俗家六守護佛法七宴默少言八
言行不麁九與彼言談善能方便十降伏諸
怨復有十法一善知時節二於諸凡夫不可
知想三於諸貧賤不起輕心四有乞即施五
於諸貧者任乞不障六於諸破戒不起嫌心
七念欲救彼八善知所作九攝受正法十捨
於財食復有十法一不營積聚二讚歎持戒
三呵責犯戒四敬奉持戒無有諂心五一切
所有悉皆能施六誠心勸請七如說而行八

承事智人九於諸法決定深樂修行十得譬
喻智復有十法一於前際方便二修善爲首
三有諸方便四斷除諸相五棄捨諸想六善
知事相七能演諸經八於諸違順善得方便
九於諦決定十證於解脫復有十法一所言
真直二顯自性智三言說無疑四繫想於空
五修於無相六知無願性七得四無畏八於
戒堅固九入正具足十得於智慧復有十法
一繫想一緣二少結親知三不起濁心四棄
捨諸見五得陀羅尼六得智七得明八安住
九住持十正勤童子是名菩薩摩訶薩從彼
諸法體性平等無戲論三昧成就如是諸功

德利童子如是三昧名爲因名爲相應名爲
教名爲門名爲作名爲道行名爲無礙名爲
師導名爲行順忍名爲忍地名爲除去不忍
名爲智地名爲遠離無知名爲建立於智名
爲方便地名爲菩薩遊行名爲親近勝丈夫
名爲遠離惡丈夫名爲如來所說佛地名爲
智者隨喜名爲愚者所棄名爲聲聞難知名
爲非外道地名爲如來所攝名爲十力所知
名爲諸天供養名爲梵王禮拜名爲帝釋隨
後行名爲龍神曲躬名爲夜叉隨喜名爲緊
陀羅所讚名爲摩睺羅伽歎美名爲菩薩所
修名爲智者所求名爲得無上道物名爲非

財食施名爲除諸衆生煩惱病藥名爲智藏
名爲無盡辯才名爲出生諸教名爲除諸痛
苦名爲知三界名爲度棧名爲度四流船名
爲出生名譽名爲讚顯如來名爲如來利益
名爲光讚十力名爲出生菩薩道德名爲慈
滅恚怒名爲悲除惱害名爲歡喜寂靜於心
名爲捨所悲人名爲蘇息大乘人名爲能師
子吼名爲佛道名爲一切法印名爲引導一
切智名爲菩薩遊戲園苑名爲散壞魔軍名
爲善逝衢術名爲成諸吉義名爲防捍讎敵
名爲以法降怨名爲真實無畏名爲如實不
妄求力名爲十八不共法根本名爲莊嚴法

身名爲諸行威勢名爲莊嚴佛慧名爲棄諸
愛著名爲悅佛長子名爲滿足佛智名爲非
辟支佛地名爲清淨心名爲清淨身名爲成
就解脫名爲無諸雜欲名爲無諸雜志名爲
非愚癡地名爲阿含智名爲能起諸術名爲
除諸無明名爲滿足解脫名爲踊悅禪人名
爲須見者眼名爲遊戲神通名爲能現神足
名爲聞持陀羅尼名爲念持不忘名爲諸佛
所加名爲導師方便名爲微細難知無相應
者名爲捨於文字名爲深知義智名爲知見
智名爲分別智名爲不可言說智名爲能調
非智名爲質直者智名爲少欲者智名爲攝

持精進名爲能持不忘名爲能消諸苦名爲
諸法無生名爲一言演說能知所有生滅諸
趣是名一切法體性平等無戲論三昧說是
法門時會中有八十那由他人天得無生法
忍九十二那由他人天得隨音聲忍七十六
那由他人天得於順忍六萬人天遠塵離垢
得法眼淨一千比丘盡諸有漏心得解脫二
百五十比丘盡諸有漏心得解脫五百優
婆塞得阿那含果八百優婆夷得斯陀含果
是時三千大千世界六種震動所謂動遍動
等遍動涌遍涌等遍涌起遍起等遍起吼遍
吼等遍吼震遍震等遍震覺遍覺等遍覺東

涌西沒西涌東沒南涌北沒北涌南沒中涌
邊沒邊涌中沒以法力故欬然而起未曾有
光悉能暉照幽冥邊遠乃至阿鼻地獄無不
大明是時世界鐵圍之間黑闇衆生更相瞻
覩咸各驚言何忽在此有斯人輩尔時世尊
而說偈言

鞞

一卷

六

我念往劫六億佛
我於過去求道時
時彼六億最後佛
号曰娑羅樹王佛
我時生在刹利種
有子滿於五百數

本生皆在耆闍山
從彼諸尊聞斯定
為世間親作光明
我從彼尊問是定
於諸王中最尊勝
具足一切諸技能

我時為彼無上尊
純用勝妙大栴檀
我時為王人愛樂
為佛廣設諸供養
彼時最勝兩足尊
於其七億六千年
有八十億諸聲聞
住於漏盡最後身
我備種種勝供具
為欲利益諸人天
我與妻子俱出家
於千四萬億歲中

建立伽藍滿一億
糝以金銀及眾寶
号曰毗沙謨達王
滿足万八百億歲
号曰娑羅樹王者
任壽世間知道化
三明六通常在定
如是聖眾無譏毀
供養度諸惡趣者
是以求於此三昧
持彼佛教無與比
我常諮問是三昧

八万那由偈稱讚
彼佛以此爲他說
頭目手足并妻子
一切財貨無不捨
念昔百億諸如來
是等皆住耆闍山
皆同釋迦一名号
給侍同名爲歡喜
最第一雙世智者
世界同名爲娑婆
我以諸供奉人尊
諸供養具皆奉上

異異偈頌八億兆
惟論此定之一品
種種珍寶及飲食
爲求如是三昧故
復有恒河沙數佛
宣說如是勝寂定
佛子同字羅睺羅
王城同号迦毗羅
同名目連舍利弗
彼佛俱出濁惡世
爲欲行於菩提行
爲欲誦持此定故

發修勝行得此定
安住一切德行者
不著諸味離躁擾
安住大悲離瞋恚
遠俗不怖於世利
於戒皎然無所畏
勇猛精進常不息
安住無我妙法忍
善調伏心無戲論
樂行捨施無慳悋
如來所有諸相好
力無畏等得不難

翻一卷十七

得斯定行無量種
得是三昧則不難
不涉世俗無嫉妬
得是三昧則不難
邪命清淨無煩惱
得是三昧則不難
愛樂閑寂行頭陀
得是三昧則不難
安住威儀諸行等
得是三昧則不難
及以十八不共法
以能受持此定故

佛眼所見諸衆生
彼佛一一各壽命
彼佛各有無量頭
一頭各有無量舌
彼一一舌各稱揚
說其少分不能盡
若有順定頭陀德
爲諸王等常順從
彼有無邊無礙辯
於一切時常不斷
若欲得見彌陀佛
後大怖畏惡世時

假使一時俱成佛
千万億數難思劫
猶如大海諸沙數
其數亦如大海沙
持定一偈之功德
何況書寫及受持
天修羅鬼所愛護
受持難見寂定故
宣說無量百千經
以持此經聞持藏
及彼安樂世界等
應當聞持是三昧

我今於汝有付囑

我人中尊自勸汝

我涅槃後末世時

應當聞持是三昧

十方所有一切佛

過去世中及現在

彼佛皆學是三昧

得到無爲佛菩提

童子以是義故若有菩薩摩訶薩欲於如來

真實功德開示辯說義味名号無有窮盡一

切所說爲佛所說汝今應當讀誦受持爲他

廣說如是三昧童子何者如來實德名号若

菩薩摩訶薩住阿蘭若樹下空閑靜默獨坐

當如是學謂如來應供正遍知明行足善逝

世間解無上士調御丈夫天人師佛世尊積

累如來勝妙功德修諸善根而不壞失以大

忍力得諸相華及隨形好而自莊嚴可愛色
中最爲增上覩者無厭敬信愛樂於諸智慧
無能奪者不可壞力化諸衆生爲菩薩之父
爲賢聖之王爲向涅槃導師無邊智慧無量
辯才梵音清雅言聲辯暢相好希奇有目瞻
仰隨所觀處欲捨不能得無比身不爲欲染
不爲色染過無色界遠離諸苦棄捨諸法解
脫諸界非入相應斷除諸結盡諸渴愛度於
四流滿足智慧安處涅槃住於實際童子此
顯如來真實功德是名菩薩摩訶薩住彼三
昧能獲如來真實功德開說名義無有窮盡
一切所說諸佛所記今時世尊而說偈言

於無量數千劫中
久集一切妙善根
莊嚴美女姝妙身
我本波施無悔心
捨所重財及僮僕
以勝上心而施彼
以摩尼寶珠瓔珞
昔曾奉施諸導師
諸妙香華無量果
我以此華散佛塔
我以無量諸法施
於諸名聞及利養

不能說盡如來德
爲求如是勝定故
最上希奇可樂色
爲求如是勝定故
摩尼大寶與金銀
爲求如是三昧故
天冠臂印及金繩
爲求如是勝定故
皆是捷陀婆師香
增上淳至勝妙心
歡喜開導諸衆生
我初不起如是心

我本習於頭陀德
無量慈悲愍衆生
共任同戒無違諍
言詞柔輒人樂聞
住於他舍離家慳
歡喜常自行乞食
若有多聞能受持
如是便爲供養我
我昔行於種種施
以無量種供養佛
我於無量世界中
聞是三昧持一偈

獨在樹下默無言
爲求無上菩提果
愛語常流潤澤音
一切見之無厭捨
無量億生不嫉妬
於諸請召皆棄捨
於此三昧四句偈
以勝上心而尊敬
長夜於戒而不犯
爲求如是寂定故
滿中摩尼而廣施
此福過彼不可量

一切所有種種華

及諸妙香甚希有

供養一切諸如來

樂修善根無量劫

世間所有諸伎樂

勝妙飲食及寶衣

無量劫中增上心

常以供養諸十力

若人興於菩提願

當獲無上大法王

若人於此三昧經

聞說一偈福過彼

於恒河中所有沙

尔所劫數說其利

數演彼德不能盡

以持無量福定故

童子以是義故菩薩摩訶薩於是三昧應當

至心受持讀誦為他演說分別顯示廣化眾

生修是三昧尔時世尊即說偈言

於彼佛所聞如是

無上勝妙之利益

是故我今爲汝說
七億三千万佛所
彼諸一切如來等
由此能入大悲心
若有習學多聞者
若能於彼末世時
有諸毀法惡比丘
雖說戒法而得活
雖說禪定而得活
雖說智慧而得活
雖說解脫而得活
雖說知見而得活

諸佛所說勝三昧
我於過去曾供養
亦說如是修多羅
是故顯說此三昧
得如來智則不難
世間導師滅度後
於彼多聞不希樂
自於戒法不樂行
自於禪定不樂行
自於智慧不樂行
自於解脫不樂行
自於知見不樂行

如人口說栴檀香
有人問彼說香者
荅云我實不聞香
於佛滅後末惡世
雖說戒法而得活
於佛滅後末惡世
雖說定法而得活
於佛滅後末惡世
雖說慧法而得活
於佛滅後末惡世
雖說解脫而得活
於佛滅後末惡世

於諸香中最為上
汝所說香自有不
但由說香而得活
有不應戒諸比丘
不能自行於戒法
有不應戒諸比丘
不能自行於定法
有不應戒諸比丘
不能自行於慧法
有不應戒諸比丘
不能自行解脫法
有不應戒諸比丘

雖說知見而得活
譬如貧賤爲他欺
人天龍鬼鳩槃荼
若得三昧微妙地
爲彼人天之所敬
我聞如是之利益
鞠
卷
親屬資財皆悉捨
月光童子心歡喜
我於佛仙滅度後
於自身命能棄捨
於後惡世怖畏時
我見世間無量苦

不能自行知見法
後時富貴人所敬
終不供養無定者
智者便得廣智藏
能以上施施衆生
最爲勝上佛所演
爲欲聞說是三昧
合掌向佛說是言
當護持此佛勝法
及諸世間種種樂
當護持是勝妙定
興大悲心而欲拔

於彼復起大慈心
衆中五百人咸起
童子於彼爲上首

而爲說此勝三昧
亦願護持是三昧
亦共持此勝三昧

尔時月光童子白佛言世尊所言三昧何者
是也佛言童子諦聽諦聽當爲汝說謂一能
寂滅於心二無所起三無和合智四棄捨重
擔五得如來智六成佛威力七治其欲著八
滅除瞋恚九斷離愚癡十住心相應十一捨
不住心十二樂欲善法十三欲奪有爲十四
安住正信十五夜常覺寤十六不捨禪定十
七增已生善十八於生不樂十九不造諸業
二十不計內入二十一不計外入二十二不

讚自身二十三不毀他人二十四不在俗家
二十五戒行淳淑二十六無能輕欺二十七
有大福德二十八自知二十九不輕躁三十
安住威儀三十一捨麁惡言三十二無怒恚
心三十三救護於彼三十四護善知識三十
五護持密語三十六於諸衆生不起害心三
十七不惱持戒三十八恒柔軟語三十九不
依三界四十於一切智而得順忍今時世尊
而說偈言

我已開於甘露門

我已說諸法自性

我已示於生死過

我已開顯涅槃利

我已教離惡知識

常當親近善知識

離諸憤眾住寂靜

常修慈心而

於清淨戒常護持

歡喜樂於頭陀行

若能常習於捨慧

得是三昧則不難

此能得於寂滅地

終不墮在聲聞地

必當證於佛智慧

剋獲諸佛無量德

見諸眾生有智慧

為說佛慧以示之

若能發求無上智

得是三昧則不難

若為食起嫉妬心

當觀食已無有淨

用功無量乃得成

若深觀此能得定

無物能將此定來

必由淨戒之所起

諸法體性常寂然

凡夫無智不能會

若能心住於寂定

是人一切常寂

人尊恒見諸衆生
念佛相好及德行
心無迷惑與法合
智者住於此三昧
能見千億諸如來
若人心有迷惑者
於無量中無有量
一切世間無與比
諸智諸德皆相應
得如來身紫金色
緣於如是心安住
此緣佛相是有作

常修如是寂滅定
能使諸根不亂動
得聞得智如大海
攝念行於經行所
亦值無量恒沙佛
於佛法中取限量
如來諸德不思議
何況而能有過者
於此不疑定成佛
一切端妙爲世親
乃名得定之菩薩
能除一切有相想

然後安住於無相
能得安住於法身
無有之相修習已
我今爲汝善說之
所謂覺知諸緣事
若有能生如是心
彼人能修如是念
若住若坐若經行
得無疑已作是願
必當得見諸如來
於此三昧而起已
身口及意皆清淨

乃能達於諸法空
知一切有而無有
然後觀佛非色身
彼彼趣於如是處
無量思量常不斷
念佛相好及智慧
一心趣向無退轉
於諸佛智無疑惑
令我得佛三界尊
入佛法中能選擇
稽首禮於十方佛
讚歎諸佛常不斷

常修如是念佛相
若遇垂死最重疾
念佛三昧常不捨
彼人自解是法破
以住如是諸教門
得聞如是利益已
於後不生追悔心
我今為汝無量說
如人雖持良妙藥
是故應當知選擇
戒聞布施常修習

日夜恒見諸如來
痛惱逼迫極無聊
不令苦切奮此心
則知一切諸法空
於喜薩行不厭惡
求於如來無等智
最上喜提難得故
汝於此法若不行
於自身病不能治
所謂求於勝三昧
得是三昧則不難

月燈三昧經卷第一

鞠



